

Word count: 487 (3.5mins approx.)

Nacrt obraćanja povodom podizanja zastave Velike Britanije.

Vaša ekscelencijo, uvaženi gosti, kolege iz NATO-a i EUFOR-a.

Ovo je veliki dan za NATO Štab Sarajevo i veoma mi je drago što smo ovdje kako bismo ga zajedno obilježili.

Prije par sedmica smo se okupili na ovom istom mjestu kako bismo obilježili završetak učešća Velike Britanije u EUFOR-u – to je bio kraj jednog poglavlja, ali definitivno ne i kraj priče.

Zbog toga što Bosna i Hercegovina, kao i NATO, ima malo većih, postojanijih prijatelja od Velike Britanije.

U finansijskom, političkom, diplomatskom, vojnom smislu, te u smislu vrijednosti koje donosi, poput toga da su prvi na promoviranju pozitivnog uticaja omogućavanja da se glas žena čuje u svakom aspektu društvu, uključujući i oblast sigurnosti, malo je onih koji pružaju veći doprinos našoj kolektivnoj sigurnosti, koji se snažnije zalažu za jednostavne, a ipak trajne principe na osnovu kojih je osnovan NATO, te koji se više izdvajaju u podršci BiH.

Tokom neprekidnog vojnog prisustva Velike Britanije koje traje skoro 30 godina, Oružane snage BiH, kao i svi građani BiH, su imali korist od profesionalizma i stručnosti pripadnika jedne od najvažnijih vojski na svijetu.

Oduševljen sam što smo u mogućnosti upotpuniti već kredibilan tim međunarodnih pripadnika pri NATO Štabu Sarajevo njihovim prvoklasnim sposobnostima.

Kao jedna od zemalja osnivača NATO-a, Velika Britanija je ključna u održavanju euro-atlantskog područja sigurnim već više od 70 godina, uz njenu ulogu jedne od vodećih članica koje pomažu NATO-u da postane jedan od najuspješnijih, ako ne i najuspješniji i najdugotrajniji savez u historiji. Također je na čelu posla kojim se osigurava da se mi, kao Savez, prilagodimo kako bismo se izborili sa novim sigurnosnim izazovima sa kojima se suočavamo.

Današnje prijetnje su hibridne. Nekonvencionalne kao i konvencionalne. Skrivene kao i otvorene. Osmišljene kako bi podijelile i destabilizirale iznutra, te iskoristile zamršenu mrežu organiziranog kriminala, terorizma, korupcije i dezinformacija rasprostranjenu širom planete. Ove prijetnje, baš poput neke agresivne regionalne sile, su prijetnje 21. vijeka po našu sigurnost – a malo je mjesta gdje su ove prijetnje realnije i gdje imaju veći uticaj na svakodnevni život običnih ljudi poput Balkana.

Neprocjenjiv doprinos Velike Britanije operacijama NATO-a u ovom području može samo ojačati sposobnosti Oružanih snaga BiH u cilju suočavanja sa ovim izazovima.

Oduševljen sam što je britanski kontingent dio našeg tima.

Njihov prelazak iz EUFOR-a u NATO u ponoć 31. decembra je osigurao da nije prošla niti jedna sekunda bez zvaničnog prisustva Velike Britanije ovdje. Zbog toga sam sretan što imamo priliku prepoznati i zahvaliti se Velikoj Britaniji na njenom doprinosu, te žrtvovanju njenih vojnih lica, u osiguranju mira, bezbjednosti i prosperiteta za BiH. I ja sam, kao i svi ostali u Bazi, sretan što je zastava Velike Britanije još jednom zauzela mjesto koje joj pripada, pored članica Saveza i partnera, i što se vijori iznad Butmira. Hvala vam.